

BOSNA I HERCEGOVINA
*Agencija za razvoj visokog
obrazovanja i osiguranje
kvaliteta/kvalitete*
Banja Luka



БОСНА И ХЕРЦЕГОВИНА
*Агенција за развој високог
образовања и обезбјеђивање
квалитета*
Бања Лука

Agency for Development of Higher Education and Quality Assurance

Broj: 05-33-1-537-19/15
Datum: 02.09.2016. godine

Na osnovu člana 61. stav 2. Zakona o upravi („Službeni glasnik Bosne i Hercegovine“, broj 32/02 i 102/09) i člana 132. Zakona o upravnom postupku („Službeni glasnik Bosne i Hercegovine“, br. 29/02, 12/04, 88/07, 93/09 i 41/13), a u vezi sa članom 49. alineja 8) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine br. 59/07 i 59/09), na prijedlog Komisije za ocjenu usklađenosti rješenja o akreditaciji visokoškolske ustanove Panevropski univerzitet Apeiron, Banja Luka, direktor Agencije za razvoj visokog obrazovanja i osiguranje kvaliteta *donosi:*

R J E Š E N J E

U Državni registar akreditovanih visokoškolskih ustanova u Bosni i Hercegovini, izvršit će se upis visokoškolske ustanove Panevropski univerzitet Apeiron, Banja Luka.

Za izvršenje rješenja zadužuje se Sektor za osiguranje kvaliteta.

O b r a z l o ž e n j e

Ministarstvo prosvjete i kulture Republike Srpske je dostavilo Rješenje o akreditaciji visokoškolske ustanove Panevropski univerzitet Apeiron, Banja Luka, broj: 01/1.3.74/16 od 24.03.2016.godine, izdato od strane Agencije za akreditaciju visokoškolskih ustanova Republike Srpske, s ciljem upisa predmetne visokoškolske ustanove u Državni registar akreditovanih visokoškolskih ustanova u Bosni i Hercegovini.

Komisija za ocjenjivanje usklađenosti rješenja o akreditaciji, imenovana Rješenjem broj: 05-33-1-537-10/15 od 10.08.2016.godine, odnosno Rješenjem broj: 05-33-1-537-14/15 od 29.08.2016.godine, vršeći ocjenjivanje usklađenosti rješenja o akreditaciji u zapisniku broj: 05-33-1-537-11/15 od 12.08.2016.godine dala je prijedlog da se, u skladu sa činjenicama navedenim u zapisniku, Ministarstvu prosvjete i kulture Republike Srpske i Agenciji za akreditaciju visokoškolskih ustanova Republike Srpske uputi zahtjev za dostavljanje potpunog Izvještaja Komisije stručnjaka za akreditaciju visokoškolske ustanove Panevropski univerzitet Apeiron, Banja Luka. Aktom Agencije za akreditaciju visokoškolskih ustanova Republike Srpske, broj: 01/1.3.181/16 od 22.8.2016.godine, dostavljen je predmetni Izvještaj.

www.hea.gov.ba, e-mail:info@hea.gov.ba


BA – 78000 Banja Luka, Ulica akademika Jovana Surutke 13,
Tel.: +387 51 430 510, Fax: +387 51 462 302

Komisija za ocjenu usklađenosti je, vršeći ocjenjivanje usklađenosti Rješenja o akreditaciji visokoškolske ustanove Panevropski univerzitet Apeiron, Banja Luka, u smislu člana 48. alineja 1) Okvirnog zakona o visokom obrazovanju u Bosni i Hercegovini i na način koji je propisan Instrukcijom o načinu ocjenjivanja usklađenosti rješenja o akreditaciji sa minimalnim standardima iz područja visokog obrazovanja i kriterijumima za akreditaciju visokoškolskih ustanova u Bosni i Hercegovini, broj: 06-02-1-766/11, od 04.11.2011. godine, Zapisnikom broj 05-33-1-537-18/15 od 02.09.2016.godine, dala prijedlog direktoru Agencije da se izvrši upis visokoškolske ustanove Panevropski univerzitet Apeiron, Banja Luka u Državni registar akreditovanih visokoškolskih ustanova u Bosni i Hercegovini. Na osnovu prijedloga Komisije koja je izvršila ocjenjivanje usklađenosti Rješenja o akreditaciji visokoškolske ustanove Panevropski univerzitet Apeiron, Banja Luka sa Odlukom o normama kojima se određuju minimalni standardi u oblasti visokog obrazovanja u Bosni i Hercegovini („Službeni glasnik Bosne i Hercegovine“, broj 100/11) i Odlukom o kriterijima za akreditaciju visokoškolskih ustanova u Bosni i Hercegovini („ Službeni glasnik Bosne i Hercegovine“, broj 75/10 i 44/13), odlučeno je kao u dispozitivu ovog rješenja.

Pouka o pravnom lijeku: Protiv ovog rješenja može se izjaviti prigovor direktoru Agencije u roku od osam dana od dana prijema rješenja.

Dostaviti

1. Sektoru 05
2. arhivi



DIREKTOR

[Signature]
Prof. dr. Enver Halilović